

Preso gaixoen askatasunaren aldeko kontzentrazioa Basauriko kartzelaren aurrean

AMNISTIAREN ALDEKO ETA ERREPRESIOAREN AURKAKO MUGIMENDUA :: 17/08/2016

Amnistiaren Aldeko eta Errepresioaren Aurkako Mugimenduak deituta 64 pertsona bildu dira Basauriko espetxearen aurrean preso politiko erien berehalako askatasuna galdegiteko. Kontzentrazioaren bukaeran gogora ekarri dute Aitzol Gogorzak 6 egun eman zituela gose greban bere etxeratzea eskatzeko eta horregatik deitu zutela kontzentrazioa, baina onartu egin dute preso gaixo batek horrelako hautu gogorra egin arte kalea mobilizatu ez izanak erakusten duela herri mugimenduak autokritika egin behar duela: preso gaixoei hain kaltetuta duten osasuna bera gose greba baten bidez gehiago kaltetzea irtenbide bakartzat hartzeak kalean behar beste indarrik ez dela egiten ari islatzen duela.

Hortaz, Aitzolen gose greba preso gaixoen askatasunaren aldeko borrokan inflexio puntua izateko deia egin dute eta hortxe kokatu dute Etxarrin hiru solidariok Aitzol eta gainontzeko preso gaixoen askatasuna lortzeko asmoz burutzen ari diren gose greba mugagabea.

Borroka garaia dela gogorarazi dute eta Etxarritik bertatik, gose grebaz aparte, bultzatuko diren ekimenetan parte hartzeko deia egin dute.

Bukatzeko, gogora ekarri dute Valenceko kartzelan Ibon Goieaskoetxeak eta Aletxu Zobarnek mitardean eta lagun eta senideen bisitei uko egiten jarraitzen dutela urruntzea eta preso politikoen sakabanatzea salatzeko. Valenceko kartzela Euskal Herritik 1000 kilometrotara dago, oso garraio lotura txarrak ditu eta benetako odoluste ekonomikoa suposatzen du senideentzat.

Gainera, Valenceko kartzela espetxe eredu baten esperientzia pilotoa da, gerora Europa osora zabaltzeko nahi izango dutena, sarraski espetxe "finduaren" prototipoa delarik.

Amnistiaren Aldeko eta Errepresioaren Aurkako Mugimenduak ostegunerako deitu du kontzentrazioa Frantziak Bilbon duen kontsulatuaren aurrean Aletxu eta Ibonekin elkartzeari.

Euskal Herrian, 2016ko abuztuaren 16a.

Amnistiaren Aldeko eta Errepresioaren Aurkako Mugimendua.

https://www.lahaine.org/mm_ss_est_esp.php/preso-gaixoen-askatasunaren-aldeko-kontzentrazioa